



UNIVERSITÄTS-
BIBLIOTHEK
PADERBORN

Universitätsbibliothek Paderborn

Septem Illvstrivm Virorvm Poemata

Cesarini, Virginio

Antverpiae, 1662

Ad Natalem Rondininvm.

urn:nbn:de:hbz:466:1-7990

Cui paret æther, inferiqz, tellusqz,
Tantum requirit. Impios canis prægnans,
Paræqz cantus, montibusqz decurrens
Lupa Lanuvinis, imbriumqz diuina
Avis imminentum terreat: quid huic obstet,
Iterqz rumpat, si, quod unice poscit,
Cursus precetur prosperos ALEXANDER.

A D NATALEM
R O N D I N I N V M.

Quod utrique nostrum commodauit argentum
Ad vestiendum Græculum Fauoritus,
Cur Rondinine debuisse me solum
Reglutinare iudicas, minus recte
In me retorquens negligentiae culpam?
Debere nulli me libentiū nouit
Idem ille, semper qui mihi Fauoritus
Facit benignè, mutuæ voluntatis
Fideiqz certus usquequaque constantis.
Ne creditoris ergo debitor partes
Agas, amice, non rogatus obtestor;
Quin ipse cures, ut bonum sies nomen,
Fidemqz semper emulere Germanam.

IANI.

Cui

IANICULVS

De Villâ Hieronymi Farnesij, S.R.E.
 Cardinalis, sitâ ad portam
 Aureliam.

Quamvis Ianiculum vocent, nec inter
 Septem mî iuga dent locum Quirites,
 Clarus non ideo minus sepulcro
 Et Iani patris & Numæ, propinquum
 Tollo nubibus arduis cacumen.
 Vel Farnesia villa, quam remoti
 Prospectus maris, & salubre cælum,
 Et felix situs, & loci vetustas,
 Et vultus domini beat, decusq;
 Ingens Patribus additi Latinis,
 Tantos dat mihi spiritus, ut ipsa
 Tali munere latus astra summo
 Tangam vertice, Romulosq; colles
 Nostris despiciam iugis minores,
 Et rerum dominam superbus Urbem.

AD